

**Da Tschlin a Tschamut**

Arrivada a Tschamut – Hotel Rheinquelle il 1910  
FOTOGRAFIA C. MESSER

*Dicziunari  
Rumantsch  
Grischun*

**Archiv da fotografias**

*LA QUOTIDIANA*

Sin la nova DVD dal DRG pon ins admirar 500 fotografias veglias da las vischnancas rumantschas ed anteriuras vischnancas rumantschas dal Grischun. FOTO DICZIUNARI RUMANTSCH GRISCHUN

# «Da Tschlin a Tschamut»

## Nova DVD cun fotografias veglias da vischnancas grischunas

■ (cp) La nova DVD «Da Tschlin a Tschamut» è cumparida a l'Institut dal DRG. Ella cumpiglia bunamain 500 fotografias veglias da las vischnancas rumantschas ed anteriuras vischnancas rumantschas dal chantun Grischun. Mintga venderdi durant il 2010 ha La Quotidiana publictà ina pagina cun fotografias veglias or da la fototeca da l'Institut dal DRG. La raschun per quell'acziun speziala era stada il giubileum da 125 onns da la Societad Reto-rumantscha (SRR).

Las reacziuns ordvart positivs sin questa pagina da vart da lecturas e da lecturs ans ha motivà da surlavurar ed amplifitgar il material e d'edir ina DVD cun tut las fotografias publicgadas en La Quotidiana durant il 2010 ed ulteriuras

fotografias da la fototeca dal IDRG. La finala cuntegna quella tut las vischnancas actualmain rumantschas e las anteriuras rumantschas dal chantun Grischun, pressapauc 500 fotografias da bajetgs, chasas e vischnancas.

Il viadi cumenza a Tschlin, traversa l'entir intschess rumantsch cun sias sub-regiuns dialectalas e finescha finalmain sisum la Val Tujetsch a Tschamut.

La DVD è cumpatibla cun Windows e Mac (pretenda in giradiscs per DVDs), ella sa dentant era vegnir guardada sin la televisiun. Ella custa 30 francs ed ins la po retrair da l'Institut dal DRG, Ringstrasse 34, 7000 Cuira tel. 081 284 66 42 u info@drg.ch Visitai gist nossa pagina d'internet [www.drg.ch](http://www.drg.ch) u ans contactai, da nov era sin facebook: <http://www.facebook.com/Dicziunari>